



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

vij Medardus vnnd Metras Bischoff.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

iun
E
viii
Medar
dus.

Dieser ist ein Bischoff inn Franckreich ge-
west/vom ihm wirdt nichts sonderliches
beschrieben / dann daß er durch wunderbarli-
che Mittel / die nächtlichen Dieb inn seinem
Weingarten vermercket/ vnd dieselbigen auch
so lange da behalten/biß er kommen vnd sie le-
dig gelassen / vnd zuuor nach notturfft gestrafft
hat. Er hat gelebt vmb das jar Christi 520.

Metras ein frommer Christlicher Prie-
ter/ oder ältester vnder den Christen / hat gele-
bet zu der zeit Decii Römischen Keisers/ in der
höchsten verfolgung / Zu derselbigen zeit ist ein
Bottloser Teuffelischer Warsager ghen A-
lexandriam kommen/welcher die Heyden häff-
ig wider die Christen beweget vnd ergrimmet
hat/vnnd dahin bracht/ daß sie disen frommen
Mann Metras auch zu Heydenischer Abgöt-
terey zwingen wolten / Dieweil er sich aber
solches weygert / schlugen sie ihn mit Kolben/
zerstachen ihm sein Angesicht / vnnd seine Au-
gen benamen sie im mit spitzigen Rohren/End-
lich schleiffen sie ihn zur Statt hinaus / vnnd
steynigeten ihn Anno Christi 253. Eusebius
lib.6.cap.41.

Dieses